

大寶廣博樓閣善住祕密陀羅尼經卷上

息八

唐特進試鴻臚卿三藏沙門大廣智不空奉詔譯

序品第一

如是我聞一時薄伽梵在王舍大城於初會時降伏俱胝魔軍及調伏一切外道捨離生死度諸瀑流是時那由他百千碗伽羅頻婆羅魔軍徧瞻部洲于時世尊以佛神力變此大地盡成金剛令瞻部洲有情之類不聞恐怖時彼魔軍兩諸器仗皆變爲華於王舍城四衢道中自然從地涌出大蓮華其華千葉

七寶莊嚴黃金爲臺琉璃爲莖高至梵天出種種光明普徧十方於其華中自然出聲說陀羅尼名爲警覺陀羅尼曰

曩莫薩縛怛他
引藥帝毗喻一合曳底瑟綻
底娜捨你勢二唵麼拏聲縛日嚩_二合紇哩
合二
合娜也三縛日嚩_二磨囉賽你也
上聲尾捺囉合寧上聲
怛囉_二賀曩賀曩五縛日囉_二合孽陞六
合二
怛囉_二細也怛囉_二合細也七娑囉_二磨_二引囉
上聲引曩引八吽引吽九散駄囉散駄囉
半沒駄_二引昧聲底利十一引薩縛怛他
引孽

多_{二十}縛日羅_二合迦臘跋_二地瑟耶_二帝娑_一縛

引_二合_一訶_三引_十

時彼蓮華中流出此陀羅尼已復出妙聲徧滿三千大千世界讚言善哉釋迦牟尼如來已度生死大海殄滅魔軍離煩惱塵破無明穀然大法炬由此陀羅尼威德力故令此大地變成金剛一切魔軍所有器仗咸變爲華由此陀羅尼威神力故降諸魔衆及化俱胝餘類有情悉令調伏由此陀羅尼威神力於四衢道涌出蓮華復告金剛手言我若不因此陀羅尼不能成等正覺不能降伏俱胝魔衆不能枯竭煩惱大海不能然大法炬金剛手我於無量俱胝百千劫來雖難行苦行猶故不能成菩提果由纔聞此大陀羅

密密主菩薩有陀羅尼名大摩尼廣博樓閣善住秘密由此陀羅尼威德力故能令三千大千世界變成金剛一切魔軍所有器仗咸變爲華由此陀羅尼威神力故降諸魔衆及化俱胝餘類有情悉令調伏由此陀羅尼威神力於四衢道涌出蓮華復告金剛手言我若不因此陀羅尼不能成等正覺不能降伏俱胝魔衆不能枯竭煩惱大海不能然大法炬金剛手我於無量俱胝百千劫來雖難行苦行猶故不能成菩提果由纔聞此大陀羅

尼加行相應故得成正覺金剛手此陀羅尼
有大威力有大殊勝是一切如來真實法性
今諸如來圓證法身金剛手由稱此陀羅尼
名號則爲已稱十方諸佛如來名號若能纔
念則爲禮拜供養一切如來爾時金剛手菩
薩摩訶薩以種種華種種香塗香末香供養
於佛既供養已右遶三匝頂禮佛足而白佛
言世尊此陀羅尼有大威德有大殊勝惟願
世尊普爲一切有情說彼世界現何殊勝功
德一切有情不以少善根得聞此陀羅尼此

陀羅尼等同如來身同舍利法性爾時世尊
告金剛手菩薩言金剛手衆生下劣不勤精
進心多惑亂愚癡闇鈍耽著諸欲不信正法
不敬父母不敬沙門婆羅門不敬尊者是故
此陀羅尼不入他人之手薄福少智少慧如
此衆生不能得聞不能受持不生淨信此陀
羅尼能滅一切罪是諸如來祕密之藏爾時
世尊復告金剛手菩薩言善男子今爲汝說
從此世界東方過無量恒河沙數俱胝那庾
多佛世界彼有世界名寶燈其世界七寶所

成其城四面廣一由旬多諸人民安隱豐樂
彼諸男子及諸女人童男童女一切瓔珞莊
嚴其身上妙寶冠嚴飾其首容貌端嚴有大
威力勇健精進智慧具足通達衆藝城中有
王名曰妙寶有八十俱胝大臣輔佐圍遶其
王皇后名光明寶有二萬宮人皆如天女前
後侍奉彼世界中所有華樹及諸香樹皆是
七寶所成水生諸華亦是七寶所成陸生諸
華皆是闍浮檀金所成其國人民壽八萬劫
彼皆成就十善業道於佛法僧發大淨信其

王以正法養育不以非法於諸有情常作利
益彼世界中有佛名端嚴摩尼種種清淨建
立如來應正等覺於彼世界成佛廣作佛事
與無量大菩薩摩訶薩衆及俱胝大持明仙
衆以爲眷屬彼如來身紫金色具三十二相
八十隨形好圓光一尋其光周徧猶如七寶
熾盛照曜諸菩薩身悉皆金色晃曜相好端
嚴坐七寶蓮華彼皆辯才無礙智境通達明
處皆思惟大寶磨足廣博樓閣善住祕密陀
羅尼由此陀羅尼威神力故出生如是殊勝

功德彼佛世尊爲一切有情演說此陀羅尼法彼諸有情由聞此陀羅尼故常獲安樂彼一切有情離諸地獄傍生及焰魔界阿脩羅身皆得解脫諸惡趣門悉皆關閉開諸天門及開諸善趣^是彼世界有情悉皆安住無上菩提彼一切有情悉住慈心如水乳合彼佛世尊往昔久遠行菩薩道時修此陀羅尼法作如是願一切有情生我刹土者彼皆決定不退轉無上正等菩提若有衆生聞此陀羅尼受持讀誦精勤修習憶念不捨求大成就乃

至聞名或復手觸或佩身上或纔眼視或書經卷或書帛素或書牆壁一切衆生若有見者五逆四重誹謗正法誹謗聖人捕獵屠兒魁牘南婆布羯婆盲者聾者瞎者惱者人所惡者瘡者癩者貧窮下劣不定業者魔網縛者墮邪見者毗那夜迦觸者惡星陵逼者七曜害者彼等諸人聞此陀羅尼決定當證無上正覺乃至傍生鹿鳥蚊蠅飛蛾蟻及餘類胎生化生濕生等諸衆生聞此陀羅尼名者當決定證得阿耨多羅三藐三菩提不應

疑惑爾時世尊說是語已一切大眾皆大歡喜身毛聳豎是時天雨波頭摩華芬陀利華曼陀羅華摩訶曼陀羅華於虛空中有種種微妙天樂不鼓自鳴爾時會中大衆各各皆見身有光明於如來前自然涌出七寶樓閣端嚴麗好人所樂見其寶樓閣四柱四門及四堵道光明照曜樓閣四角有四大寶如日熾盛復有無量摩尼寶珠綴於羅網無量寶鐸而懸其上無量縉旛以為莊嚴種種妙華間錯垂下是時大地六種震動所謂動搖震

吼涌沒之相諸天宮殿光明照觸光所到處皆悉覺悟四大天王持明仙等亦復如是一劫魔宮熾然焰起一切障者毗那夜迦皆大驚怖馳走十方大聲號哭爾時世尊從眉間毫相放大光明其光普照警覺十方一切佛刹中諸佛既警覺已其光復收却入佛頂時十方佛咸皆同聲讚歎釋迦牟尼如來言善哉善哉釋迦牟尼如來今可應往寶燈世界端嚴摩尼種種清淨建立如來所今此大眾得相隨從瞻禮供養又得廣聞大寶廣博樓

閣善住秘密陀羅尼法何以故此陀羅尼有大威德有大功能一切過去諸如來等共所加持若有人得聞此陀羅尼者乃至名字及手觸者彼人決定得不退轉證無上正覺爾時釋迦如來聞彼十方世界中諸如來請已復放無量俱胝百千萬億光明告諸大會諸人等言我今欲往寶燈世界時將已至汝等當共速嚴隨從爾時如來從座而起即昇七寶樓閣以手觸之其樓閣中忽然而出金剛師子妙座其座七寶所成莊嚴殊勝見者悅

意又於座上生妙蓮華七寶所成黃金爲莖紅寶爲臺時佛世尊於蓮華上敷座而坐爾時世界皆大震動如來即入大會清淨三摩地以三昧力安慰一切大衆接諸虛空與一切衆會并諸眷屬及大菩薩眷屬大衆天龍藥叉彥達縛阿蘇囉^烏識嚧拏緊那囉摩護囉^六護囉識人及非人無量俱胝持明仙衆金剛手祕密主與一切釋梵護世四大天王等上昇虛空往於東方過無量恒河沙數俱胝那庾多百千佛刹於剎那湏至寶燈世界從空而下

詣彼端嚴摩尼種種清淨建立如來所恭敬
問訊少病少惱起居輕利時釋迦牟尼如來
以千葉七寶所成蓮華奉獻彼佛時彼如來
在大衆會處天妙宮殿舒金色臂安慰釋迦
牟尼應正等覺安慰已坐於寶樓閣中謂釋
迦牟尼如來曰婆伽梵已轉大法輪降伏魔
軍然大法炬建立法幢擊大法鼓吹大法螺
於彼世界已作佛事證薩婆若智婆伽梵今
復轉第二法輪當於闍毘提開正法藏繞作
是語彼諸佛刹十八種動所謂動極動偏動

搖極搖徧搖震極震徧震吼極吼徧吼擊極
擊徧擊涌極涌徧涌爾時天雨妙華現大神
變於虛空中有種種音樂不鼓自鳴其聲悅
意又諸天子奏諸音樂所有天龍雨種種寶
種種香種種栴檀香水種種衣服種種莊嚴
具雨天妙赤珠碼瑙毗盧遮那大寶日藏月
愛日愛雨吉祥藏大摩尼寶雨天妙烏鉢羅
蓮華拘勿頭蓮華芬陀利蓮華雨曼陀羅華
大曼陀羅華雨天妙閻浮檀金華雨天妙銀
華雨天妙真珠諸天子於虛空中出微妙音

歡悅讚歎其音展轉相告善哉善哉釋迦牟尼如來今於此時再轉法輪於閣浮提建大妙寶如意法幢所謂大寶廣博樓閣善住祕密陀羅尼大教法今於閣浮提廣大流布爾時端嚴摩尼種種清淨建立如來應正等覺從眉間毫相出光其光普照十方佛刹警覺一切如來其光復照三千大千世界及諸天宮一切龍宮一切地獄傍生閻魔羅界阿蘇羅衆普皆照曜警覺已其光復收右達彼佛及釋迦牟尼如來三帀便於頂沒爾時十方

世界無量恒河沙等一切諸佛各各於彼本土作大神變現神變已詣彼世界各各以大神通變化七寶樓閣於樓閣中出生閣浮檀金師子座彼一切佛并諸眷屬於樓閣中坐爾時端嚴摩尼種種清淨建立如來安慰彼等一切如來以大神通作大供養彼等諸佛供養已還坐師子座爾時摩尼藏菩薩摩訶薩詣端嚴摩尼種種清淨建立如來所頭面禮足白佛言世尊今現大集會諸佛菩薩并天龍藥叉彥達囉阿蘇羅孽魯擎摩護囉識

人非人等并大持明仙會所謂金剛手菩薩爲上首與大摩訶薩現大神變惟願宣說大寶廣博樓閣善住祕密陀羅尼今正是時乃至第二第三作如是請爾時端嚴摩尼種種清淨建立如來告摩尼藏菩薩摩訶薩言汝往釋迦牟尼如來所啓請彼佛當爲汝說時摩尼藏菩薩詣釋迦牟尼如來應正等覺所遶佛三匝合掌頂禮前住曰佛言世尊我今請世尊說大寶廣博樓閣善住祕密陀羅尼爲哀愍利益一切有情故爾時釋迦牟尼如

來受摩尼藏菩薩請已即告金剛手祕密主菩薩言祕密主汝往於大眾以金剛杵扣擊於地時金剛手祕密主承佛聖旨於大眾道場中以杵擊地纔擊地已其地四裂時三千大千世界六種震動於彼裂處涌出七寶樓閣其樓閣四角四柱四門嚴麗殊特相好圓備光明赫奕有四階道高三由旬縱廣正等有五由旬於樓閣中現閻浮檀金翠堵波種種寶珠而爲嚴飾七寶羅網而覆其上無量寶鐸懸於四角妙華繒綵而爲間錯彼窣堵

波中有三如來身爾時一切如來并諸菩薩
大衆皆共供養寶樓閣窣堵波中三如來所
謂華鬘燒香塗香末香幢旛寶蓋奏諸音樂
合掌禮敬時諸天龍藥叉彥達縛孽嚧拏緊
那囉摩護囉^{二八}議人非人等一切衆會咸悉瞻
仰皆生奇特希有之心咸作是言此寶樓閣
窣堵波從何而來高聲讚言竒哉希有旋遶
歌詠華香塗香末香并諸音樂供養寶樓閣
窣堵波合掌頂禮瞻仰而住爾時於樓閣中
出聲告言汝諸大衆可觀空中衆聞此聲已

咸觀空中即見廣大吠瑠璃寶所成雲葉在
於虛空其寶雲葉上以金書此大寶廣博樓
閣善住秘密陀羅尼於虛空際復出聲曰汝
等一切諸佛并菩薩大衆咸可讀此寶雲葉
上陀羅尼出此聲已於十方所來諸佛一
佛前皆現吠瑠璃寶所成雲葉上以金書此
陀羅尼復出是聲南謨釋迦牟尼如來今可
開此寶樓閣窣堵波門於彼窣堵波中有三
如來身由此三如來威神力故現大神變殊
勝之相彼三如來於此會中當具說此大寶

廣博樓閣善住祕密陀羅尼并曼荼羅成就
明法爾時十方同來諸佛咸作是言惟願釋迦牟尼如來應正等覺爲諸大衆開此窣堵波門令諸大會見三如來所謂摩尼寶華幢王如來種種摩尼如來金剛超涌王如來應正等覺爾時釋迦牟尼如來現大神通往詣寶樓閣窣堵波舒百福莊嚴金色臂開窣堵波門已示三如來身時三如來讚釋迦牟尼言善哉善哉釋迦牟尼如來今於瞻部洲再轉法輪薄伽梵可於此坐爾時釋迦如來即

昇寶塔與三如來同座而坐爾時金剛手菩薩摩訶薩頂禮釋迦牟尼如來白言世尊今此樓閣及窣堵波中三如來從何而來佛言乃徃古昔不可思議無量無比過無數劫於此間浮提多諸人衆安隱豐樂香稻不種自然成熟人無彼我亦無貯積當彼之時無佛出世有一寶山王彼山王中有三仙居住一名寶髻二名金髻三名金剛髻彼三仙人決定思惟佛法僧寶復作是念我等何時成佛證無上等正覺度諸有情時彼仙等作是思

惟已須臾默然復起前念故即證於諸有情
慈心歡喜種種樓閣三摩地即獲天眼觀於
上方見淨居天復於空中有聲言善哉善哉
正士能發勝心所謂阿耨多羅三藐三菩提
心汝豈曾聞大寶廣博樓閣善住秘密陀羅
尼耶過去一切如來爲諸有情利益故已曾
演說纔聞此陀羅尼者當於無上菩提不退
轉一切佛法當得現證得一切二摩地一切
陀羅尼法悉皆現前善能降伏一切魔軍然
大法炬一切善根當得現前滿足六波羅蜜

能解一切地獄餓鬼傍生焰魔界阿蘇羅衆
及生老病死憂悲苦惱永得解脫當於後世
時於此贍部洲有情不孝父母不敬沙門婆
羅門不敬耆舊誹謗正法毀謗聖人應墮地
獄誹謗諸佛菩薩殺阿羅漢作五無間罪殺
婆羅門及殺牛者抄劫竊盜妄語者不與取
者慾邪行者離間和合者雜染語者輕稱小
斟者強奪財物者匿他財物者委言背信者
先世惡業所持者彼一切有情類由此陀羅
尼威力若讀若誦受持若佩身上若書衣中

若置幢上若書經卷若書素牋及牆壁牌板乃至聞聲手觸及影其身及轉觸餘人決定當得不退轉無上菩提能於現世獲無量百千功德遠離諸罪成就一切善根摧伏諸魔於諸世間皆得敬愛於一切處皆得供養一切國王王子宰官後宮并諸眷屬皆得歡喜一切沙門婆羅門亦皆歡喜言音威肅人所樂聞手脚柔軟聲相和雅離於貧窮不受世苦毒藥刀杖水火等難諸惡獸怖不能爲害無諸賊怖無劫盜怖無旃陀羅怖無喚摩怖

行大小路悉皆無怖無鬼神怖無羅刹比舍遮怖無擎吉你怖無毒蛇怖乃至一日二日三日四日寒瘞常瘧一切瘧病悉不著身眼病耳病鼻病舌病齒病脣病喉病項病諸肢分病手病背病腰病齋病痔病淋病痢病瘻瘍病僻病脰脚痛病丁病腫病瘰癧斑病肚痛疥病疤跋癩癬無如是等病無頭痛不盲不聾不僵無橫災死不聾不痘不被輕欺如是等類現世不受得無礙辯臨命終時心不散動一切諸佛現前安慰亦不爲厭擣蠱毒

呪詛著身卧安覺安於其夢中見百千佛刹及見諸佛并諸菩薩圍遶由此祕密陀羅尼威力故獲如是殊勝功德時彼仙人得法歡喜心生踊躍於其住處便捨身命所捨之身猶如生酥銷鎔入地即於沒處而生三竹金爲莖葉七寶爲根於枝梢上皆有真珠香氣芬馥常有光明所有見者無不欣悅其竹生長十月便自剖裂各於竹內生一童子顏貌端正令人樂見最勝端嚴光色殊麗相好成就時三童子即於是地竹下結跏趺坐即入

正定至第七日於其中夜皆成正覺其身金色三十二相八十種好圓光嚴飾時彼三竹悉皆變成七寶樓閣又於虛空中有大寶廣博樓閣善住祕密陀羅尼以金爲字忽然而現時有四大天王所謂寶髻龍主天王寶藏鳩槃茶主天王妙珠光摩護囉議主天王摩尼金剛藥叉主天王各持寶蓋而覆其上唱佛功德是四天王各有無量百千眷屬悉持妙華而以供養咸作是言今佛世尊出現於世爾時世尊告金剛手菩薩摩訶薩言昔三

仙人者豈異人乎今此寶樓閣窣堵波中三
如來是彼時三竹者今妙樓閣是彼時地者
今此地是彼時世界者今此世界是彼三仙
人由聞此陀羅尼勤修習故捨彼仙身成等
正覺復次金剛手彼時空中讚歎此陀羅尼
息八
淨居天子者豈異人乎則我身是復有侍者
名曰淨居常勤承事彼三仙人其三仙人成
正覺已亦復供養爲彼淨居而授記曰汝於
來世當得作佛其淨居者豈異人乎今此端
嚴摩尼種種清淨建立如來是

爾時十方世界所來一切諸佛咸讚釋迦牟
尼如來言善哉善哉能以如來神通加持說
此往昔因緣示現如來秘密陀羅尼此陀羅
尼是一切如來秘密是一切如來母是一切
如來心秘密陀羅尼是一切如來轉法輪祕
密陀羅尼是一切如來往詣菩提道場秘密
陀羅尼是一切如來詣金剛師子座秘密陀
羅尼是一切如來神通遊戲秘密陀羅尼是
一切如來波羅密圓滿秘密陀羅尼是一切
如來般若波羅蜜攝受秘密陀羅尼是一切

如來真言祕密陀羅尼是一切如來曼荼羅
祕密陀羅尼是一切如來堅持印祕密陀羅
尼是一切如來放俱胝光祕密陀羅尼是一
切如來實際祕密陀羅尼是一切如來三摩
地神變加持祕密陀羅尼是一切菩薩菩提
心莊嚴祕密陀羅尼是一切菩薩安立如來
地祕密陀羅尼是一切三摩地通達祕密陀
羅尼是摧一切障祕密陀羅尼汝今說耶爾
時釋迦牟尼如來應正等覺住正念智觀察
一切如來出大梵音復放百千萬俱胝那庾

多種種光明所謂青黃赤白紫普偏十方諸
佛世界照曜已警覺一切如來其光復收達
佛三市沒於佛頂光既沒已爾時世尊以淨
妙梵音於大眾中即說警覺陀羅尼曰
唵^引薩嚩怛他孽多一摩拏捨多你跋底^二
引入囉^二合擺入囉^二合擺三達麼駄覩孽^四
麼拏麼拏^五摩訶麼拏^六怛他孽多紇哩^二
怛野麼拏娑^二合^七訶^引

說此警覺大明陀羅尼已山林大地六種震
動一切如來同聲讚言善哉善哉釋迦牟尼

如來善說此最勝祕密陀羅尼於虛空中現
瞻部金雲徧滿十方於其雲中下十寶雨復
雨龍堅栴檀末復雨優曇鉢華而以供養及
餘種種妙華復雨蓮華拘勿頭華芬陀利華
蘇嶽地迦華曼陀羅華摩訶曼陀羅華盧遮
華摩訶盧遮華曼殊沙華摩訶曼殊沙華蘇
摩那華末利師華瞻旃華而供養佛一切魔
宮熾然火起一切魔衆愁憂萎悴皆大驚怖
一切障者毗那夜迦驚懼身皆流汚惡氣臭
穢十方馳走所有諸天於佛教中生淨信者

及天龍藥叉彥達縛阿蘇囉孽嚕擎緊那羅
摩護羅誠人非人等各持供具虔誠供養如
來復有摩尼照曜思惟菩薩而爲上首與無
量俱胝那庾多百千菩薩悉持種種妙寶而
供養佛時金剛手菩薩而爲上首與無量百
千持明仙各持種種百千天衣而供養佛復
有四大天王與無量百千萬億四天王衆以
種種香華塗香末香華鬘衣服旛蓋而供養
佛復有梵天與梵衆諸天而來供養復有三
十三天與百千萬億天子帝釋而爲上首供

養於佛如是那羅延大自在天寶賢滿賢賢
力天等同來供養復有日月天子在於空中
而供養佛復有大吉祥天女大辯才天女餉
企尼天女訶利底藥叉女與無量百千藥叉
而爲眷屬復有毗摩大天女金剛迦離天女
華齒天女使者大天女百千萬億各各以天
宮殿供養於佛復有無量彥達譚衆奏百千
種天妙音樂而供養佛復有無量百千龍王
集會所謂娑竭羅龍王難陀龍王鄰波難陀
龍王磾魯擎龍王善住龍王寶髻龍王普偏

形圓滿龍王以種種光味寶而供養佛復有
轉輪王與無量百千萬億大臣宮人姝女及
千子圍遶來供養佛爾時大地變成金剛於
如來前從地涌出七寶蓮華其華百葉於其
華中有贍部金剛千輻寶輪光明赫奕如日
其光偏照三千大千世界於輪齊中出微妙
聲作如是言善哉善哉釋迦牟尼如來能說
如是祕密陀羅尼能轉無上大法輪能詣大
菩提場此陀羅尼是諸如來祕密明心是諸
如來真實理趣明心惟願世尊復更爲說此

大寶廣博樓閣陀羅尼世尊已說警覺心陀羅尼由此陀羅尼警覺一切如來并其大衆皆來集會世尊說此祕密陀羅尼今正是時世尊此陀羅尼是成佛根本能除一切罪能竭一切苦海能遮止一切生死曠野能越一

切煩惱瀑流若無此陀羅尼大明王終不能成無上正覺此陀羅尼是成佛種子是轉大法輪是然大法炬是建大法幢是吹大法螺是擊大法鼓是法師子座善哉世尊惟願廣爲大衆說此大陀羅尼王曼荼羅印法畫像

法爾時大會雲集天龍藥叉彥達囉孽嚕拏緊那羅摩護囉議人非人等咸生希有奇特之心皆禮世尊瞻仰而住爾時世尊聞大衆虔誠請已即爲廣說此陀羅尼大教王法根本陀羅尼品第二

爾時世尊告諸大衆我今說此陀羅尼教王此陀羅尼能成就無上菩提若有受持能除一切罪業身得清淨即說根本陀羅尼曰曩莫薩縛怛他引摩多去聲南一卷二尾補擇怛他多引摩多去聲南一卷二尾補擇五你捺捨

寧六摩揭摩揭七蘇聲鉢囉合陸八尾麼黎
九婆引孽囉十儼鼻臻一吽十二吽三十入縛二
擁入縛合羅四十沒駄尾盧枳帝五十廣四夜合
地瑟恥二多聲上尊陸十婆縛二合
爾時世尊說此大寶廣博樓閣善住祕密根
本陀羅尼已於此大地六種震動兩大寶兩
及大妙華一切所求大衆咸皆歡喜歎未曾
有能令一切善法皆悉成就證得十地是時
十方諸如來同聲讚歎釋迦牟尼如來言善
哉釋迦牟尼如來乃能說此入菩提道場陀

羅尼若纔聞此陀羅尼除滅一切惡趣纔憶
念此陀羅尼者則爲以諸微妙香華塗香末
香供養十方一切諸佛若能纔誦即得不退
轉無上正覺乃至百劫千劫百千劫一切如
來不能讚歎盡其功能此陀羅尼有大威力
一切諸魔終不能作其障礙一切冤家惡友
鬼神藥叉羅刹人非人等不得其便增長無
量善根若纔念此陀羅尼者獲福無量何況
久能誦持其福不可校量爾時執金剛手藥
叉將及四大天王徃詣佛所恭敬合掌頂禮

佛足供養而住白佛言世尊我等擁護持此
陀羅尼有情加持養育皆令歡喜爾時世尊
舒金色手摩執金剛手菩薩頂及安慰四大
天王作如是言我以此陀羅尼付囑於汝若
有持此陀羅尼者汝當擁護爾時執金剛手
菩薩及四大天王白佛言世尊我等受付囑
已以此大教王常當擁護彼有情受持陀羅
尼者

心及隨心陀羅尼品第三
爾時世尊復說心陀羅尼曰

唵一麼捉嚩日哩二合吽
爾時世尊復說隨心陀羅尼曰
唵一麼捉尼幹輪馱聲哩二吽泮吒音

若誦持根本陀羅尼者不假簡擇時日宿曜
不限齋戒但誦滿一萬徧已然後佛前或舍
利塔前於白月十五日潔淨洗浴著鮮淨衣
隨力供養然四盞燈散諸香華受持陀羅尼
者食三白食旋遶制底一百八匝誦陀羅尼
一百八徧便於當處寢息天欲曉時如來即
現其身執金剛手菩薩亦現於前所有願者

皆得如意若造五無間罪者作如是法次第
三徧方得感現勿生疑惑常於清旦誦一百
八徧所求之事皆得成就蠱毒諸毒不能爲
害水不能漂火不能燒賊不能劫病不能侵
無他冤怖常無重病亦無眼病耳病鼻病舌
病口病齒病脣病頭痛支節痛一日瘡二日
三日四日瘡悉不著身諸惡毒蛇虎狼禽獸
不能爲害厭禱呪詛亦不著身此陀羅尼威
力如是能息一切怖畏能滅一切惡障能生
一切功德能成就六波羅蜜能成就如來境

界纔誦此陀羅尼者皆能成辦一切事業若
有人登大高山頂誦此陀羅尼盡眼所見處
所有衆生滅一切罪業亦離一切地獄業得
免傍生身若入天廟中誦此陀羅尼者使諸
天神皆悉奉教若入龍池中誦此陀羅尼者
一切龍衆皆來歸命若於目前誦此陀羅尼
者日天子即來現其人前所求意願皆能與
之若有人於執金剛手菩薩前誦此陀羅尼
者金剛手菩薩現於其前所求願者亦得隨
意若有人取菖蒲根誦此陀羅尼一千八徧

口中含之入於王宮所有演說妃后彩女歡喜淨信若加持胡椒含於口中共他人語所出言辭皆悉信受當生歡喜若加持白芥子一千八徧擲於虛空一切惡風雷雹皆得消散若加持鹽一百八徧與淨行婆羅門皆來敬愛食此鹽者皆得歡喜若欲令利利敬愛者取白芥子護摩一千八徧即得敬愛若加持安息香一千八徧於一切鬼魅病人前燒隨其所類皆自下語彼病即差若亢旱時先以瞿摩夷塗地作四肘方壇中心畫一水池

方二肘作青色於池中取瞿摩夷和土爲泥捏作一龍腰已上爲菩薩身作菩薩面於其頭上出三蛇頭腰已下爲蛇身於池中盤屈其龍徧身以黃丹塗令作赤色以金薄貼龍心上達壇四邊以白粉畫作蓮華於壇四角挿四隻箭以五色線纏繞於箭周圍其壇又於線上懸五色小旛四角安四水鉢四門安香爐又用四箇小鉢一鉢盛乳一鉢盛酪一鉢盛乳麋一鉢盛酥及沙糖然四盞燈燒四種香所謂安息董陸白檀蘇合於壇上散七

種穀子大麥小麥稻穀菉豆
油麻子白芥子供養五色飲食
并諸華果念誦人面向東坐白芥子先誦陀

羅尼加持一千八徧已然後取白芥子一顆

誦陀羅尼一徧打龍頭上滿一千八徧其龍

即降雨一切龍皆降伏若欲止雨加持白芥

子一百八徧擲龍池中其雨即止若有惡風

電雨取法陀羅木作橛釘龍池邊即得電不

下惡風即止若欲縛毗那夜迦取白芥子如

持一百八徧安毗那夜迦頭上便不能作其

障礙以乳洗毗那夜迦即得解脫所作事業

皆得成就其持誦者常須清潔著鮮淨衣此
是根本陀羅尼法

大寶廣博樓閣善住秘密陀羅尼經卷上

音釋

警居影切

賽先代切

孽魚列切

陞部禮切

瘡魚略切

瘦力闊切

髀部禮切

股部禮切

瘻瘻郎果切

瘻瘻郎切

瘻瘻病筋結切

永樂北藏

善住秘密陀羅尼經

第七三册